



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 117. Sessio VI. Ferrariensis.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

quicquam adjicere. Marcus Ephesinus Sæcul. XV.  
 hanc prohibitionem multis exaggerabat, A. C. 1438.  
 eamque Sancti Cyrilli, atque Cælestini  
 Papæ testimonio confirmabat. Insuper  
 Concilii Chalcedonensis, & aliorum, quæ  
 inter generalia quartum, quintum, sex-  
 tum & septimum dicuntur, definitiones  
 referebantur, quibus Symbolum ulla ad-  
 ditione immutari prohibitum fuit. His  
 perlectis Ephesinus in horum Concilio-  
 rum generalium, præcipue in septimi,  
 seu Nicæni II. decreta prolixo admodum  
 sermone excurrebat. Tandem vero La-  
 tini manuscriptum septimæ hujus Syno-  
 di librum in medium protulerunt, conten-  
 dentes, hunc codicem pervetustum esse,  
 atque in eo Spiritum sanctum a Filio pro-  
 cedere, disertis verbis exprimi. Nihilo-  
 minus Græci huic Codici nullam fidem  
 attribuebant, asserentes, quod luculentum  
 adeo, atque decretorium quæstionis testi-  
 monium, si genuinum foret, nequaquam a  
 ceteris Latinis additionis hujus propugna-  
 toribus præclarissimis neglectum, sed abs  
 dubio jam dudum prolatum fuisset.

## §. CXVII.

*Sessio VI. Ferrariensis Synodi.*

Die vigesima Octobris feria secunda ha- Labbe Conc  
 bita est Sessio sexta, in qua mutuo tom. 13. p. 86.  
 consensu pactum, ne ex Conciliis in caussa

Bb 4

Pho-



Sæcul. XV.  
A. C. 1438

Photii celebratis, nec etiam ex illa, quam Latini æque ac Græci Synodum octavam appellare solent, quoddam testimonium peteretur. Quo factò, Andreas Rhodius copioso sermone ostendere nitebatur, positionem illius vocis *Filioque*, non proprie additionem, ut Græci appellabant, nec mutationem esse, sed tantum explicationem illius, quod jam præcontinetur in principio suo, ex quo per necessariam consecutionem deducitur: Hanc in rem attulit exemplum ex Evangelio; ad hoc enim tanquam a suo fonte ac origine Symbolum dimanat. Dein suam quoque sententiam Patrum Græcorum oraculis confirmavit, præcipue Sancti Joannis Chrysofomi testimonio usus, qui dixit: *Quæcunque habet Pater, habet et Filius, nisi quod Filius non est Pater. Omnia est filius, quæcunque Pater, eo uno dempto, quod non est Pater, secundum ipsius Domini vocem in Evangelio S. Joannis cap. 16. dicentis: Quæcunque habet Pater, mea sunt (\*).* Itaque sequitur, ut qui intelligit Spiritum produci a Patre, necessario intelligat, eundem produci quoque a Filio. Certum autem est,

S. Chrysof.  
Hom. 18. in  
Joan.

(\*). Quæ Continuator noster S. Joanni Chrysofomo adscribit, Andreas Rhodius ex divi Basilii sermone de fide recitavit in hac Sessione, in sequenti vero etiam attulit Chrysofomi verba ex Hom. 38 in Joannem.



est, aiebat, quod ejusmodi explicatio, Sæcul. XV. A. C. 1438.  
 quæ nil nisi amplior veritatis in Symbolo  
 contentæ dilucidatio foret, nequaquam  
 interdicta esset, & quamvis, quæ a nobis  
 declarationes dicuntur, additamenta vo-  
 carentur ex eo, quod aliis vocibus atque  
 Syllabis exprimerentur, nihilominus &  
 hæc legitima Ecclesiæ Auctoritate Sym-  
 bolo inferi potuerint, quoties id pro fi-  
 delium informatione necessarium fore du-  
 xisset.

## §. CXVIII.

*Sessio VII. Ferrariensis Synodi.*

Celebrata est die Sabbati vigesimo quin-  
 to Octobris Sessio septima, in qua Conc. Tabbe tom. 13. p. 99.  
 Andreas Rhodius orationis suæ argumen-  
 tum denuo assumpsit, & Conciliorum mo-  
 numentis a Marco Ephesino allatis re-  
 spondere aggressus est.

## §. CXIX.

*Rationes ad vindicandam additionem  
 vocis Filioque a Latinis allatæ.*

Igitur Rhodius in rem suam trahebat ea  
 ipsa expressa Decretorum verba ex  
 singulis Synodis allata, quibus fidem a  
 symbolo diversam componere, aut volenti-  
 bus converti ad scientiam veritatis tradere,  
 interdicitur, ex his demonstrabat. I. Quod  
 hæc lex nullatenus referatur ad ejusmo-  
 di notationes, quibus explicata Symboli